

梅月堂集

五



丹生經閣宅

Opportunity

丹生經閣宅

梅月堂詩集卷之十四

溟州日錄

東峯六歌

有客有客號東峯鬢白髮多龍鍾年未弱
學書劍為人恥作酸儒容一朝家業似雲浮
波擊擊誰與呼一歌兮歌正悲蒼蒼者天
多無知

柳標柳標枝多芒扶持跋涉遊四方北窮
南扶桑底處可以埋愁腸日暮途長我行
得扶搖搏九萬嗚呼二歌兮歌抑揚北

吹淒涼

外公外公愛我嬰喜我期月吾伊聲學立亭亭
誨書計七字綴文辭甚麗 英廟聞之召丹
墀巨筆一揮龍蛟飛鳴呼三歌兮歌正遲志願
不遂身世違

有孃有孃孟氏孃哀哀鞠育三遷坊使我早學
文宣王翼將經術回虞唐焉知儒名互相誤十
年奔走關山路嗚呼四歌兮歌鬱悒慈烏返哺
啼山谷

碧落無雲天似掃勁風浙浙吹枯草佇立窮愁

望蒼昊我如糲米天何老我生何為苦幽獨不
與衆人同所好烏虜五歌兮歌斷腸魂兮歸來
無四方
操余弧欲射天狼太一正在天中央撫長劔欲
擊封狐白虎正負山之隅慷慨絕兮不得伸劃
然長嘯傍無人嗚呼六歌兮歌以吁壯志濩落
兮空撫鬚

我不如行

我不如張子房一卷素書佐漢王漢王龍飛賞
封侯不願封他願對留功成勇退報國讎千秋

萬歲無與儔我不如諸葛孔明兩章上表輸忠
誠不忘先主三顧恩竟死邊陲為毅魂形骸雖
滅志不朽千古萬古長如存男兒生不成名身
已老頭童髮白徒草草同時朋伴盡飛騰前邏
後擁長安道揖我謂我汝何愚功名必須致身
早余雖點頭心不許丈夫自有出身安用屑
屑踰垣墻遂使伊呂前無光一笑望雲發孤嘯
側身睥睨山陡峭

東風起

斜峭東風起陽回斗建寅天時固運轉世事亦

因循否極當逢泰陰消自有春至誠元不息全
德乃純仁勿用唐催鼓何須趙寫真千林多喜
氣百卉轉清新岸柳初開眼江梅欲吐唇鷓鴣
飛熠耀蛺蝶舞逡巡草怨王孫秀花寬望帝嘆
遊絲莫亂墮糾結政愁人

夜如何

夜如何其夜未央繁星粲爛生光芒深山幽邃
杳冥冥嗟君何以留此鄉前有虎豹後豺狼况
乃鵬鳥飛止傍人生百歲貴適意君胡為乎獨
遑遑我欲為君彈古琴古琴疏越徒悲傷我欲

為君舞長劒劒歌慷慨令斷腸嗟嗟先生何以
慰奈此三冬更漏長

夜如何其夜嚮晨衆星收芒餘北辰焚香禮拜
祝無筭願天早生明哲人笙鏞黼黻佐聖主坐
令四海如虞唐郊有麒麟兮岡有鳳凰網羅豪
俊兮立賢無方纖雲四散兮天無痕狐狸屏跡
兮豺虎奔胡為獨守深山中盍歸乎來朝至尊

冬至二首

運數得剝而復因以作詩志之

至日江陵客長安憶故人一陽今正復千里更

誰親小豆煎茶鼎孤燈伴老身浮名五十載遇
復可能伸
逢剥多衰耗今朝喜復來天心元本靜物化自
相催希韻生琴調吹陽動管灰從知人世事亦
有笑顏開

、立春

立春仍臘候羈思政闌珊誰家送花勝何處得
蔬盤條風吹樹響山雪照窻寒為有茅簷日燠
烘悅老顏

、客中守歲

守歲身為客飄零傍海濱
屠蘇誰酌酹羈旅轉
酸辛舊崇消殘夜新禧
迓令辰感時驚節序不
敢問傍人

誰家子五首

海上誰家子憧憧數往來
相逢還不識對面更
相猜蠻語無人聽豺心
或自開前無接此輩睥
睨笑哈哈

海上誰家子温温禮有儀
以多來問寡於損就
求知雜彼聃周語兼他
甫白詩團藥話終夕不
覺日西歎

海上誰家子頻開竹葉樽小鍾嗔蹙額大杓笑
渠軒落魄船中泛蹒跚瓮底蹲如逢貴个子雪
盡十年冤

海上誰家子擣菹大叫呼憑陵多壯氣袒裼勿
迂踈快擲先多采羞看後作盧除非如此外更
有可相娛

海上誰家子彎弓落去鴻射人先射馬擒敵必
擒雄按劔邊陲靜揮戈虜北空猗嗟有此手奈
屈海天東

擬天問

一問天何故殃祥或不均帝言子順理汝語太
無倫運否姦邪縱時乖聖哲淪旺衰皆有數如
歲有冬春

再問天何故雍熙不久衰帝言疇已解汝黠更
多癡處治常思亂居安必慮危但能如此守隆
替作通歧

三問天何故多般物不齊帝言均賦子汝不識
端倪一理元無與千差反自迷故能俱遂性得
角翼牙蹄

記事

繡衣乘驄使行裝廓有容

聖明方軫慮民

物亦欣逢絡繹珍羞異交酬旨酒濃奔馳無一事馬首咽秋螿

節鉞威儀肅旗簫道路空人瞻雨露澤吏進簿書叢遊寺知潘子求砂識葛洪風光饒馬首到處備詩筒

前有水

前有水兮不可凌後有岡兮不可乘男兒本是大丈夫何不變化雲雷騰仰視蒼穹高幾許但見雲散清空澄手攀紫蜺攄青虹直上瓊樓十

二層下視人間塵杳杳五嶽如堵衆山小文夫
要自立大功不得為蛇成則龍豈向人喉下出
氣強作容態呼渠儂方今賢俊皆周行詞翰輻
湊如堵壙何不奏賦蓬萊宮青山搔首愁龍鍾

書事

中澤鴻鴈飛飢羸走中路是誰衣冠子亦復跣
徒步十躡九回首吐辭還錯誤哽咽在喉吮細
語誰肯顧自言苦飢饉官家召作務兒童卧啼
號不免事馳驚願下哀痛詔使民薄徭賦
今年旱不雨又復冬無雪溪澗洞枯涸不得活

魚鼈亢陽方用事今已十餘月大風振林木天
譴難可逭皇天豈不仁下民豈無舌縱愛不能
覆可語向誰說從此感氣多召此旱焚烈哀哉
燮理者何為徒就列願使銓選公齊門竊吹絕
民勞可小康為與具瞻說

莫匪

候人何戈爰彼子三百芾晒彼鳶與鷗縱嘯高
飛疾亦復掠街巷塘揆攫腐鼠我欲廁其間偃
促數寒暑白晝恣飛翔強梁猶不足羣鳥亦隨
後豕亂人家屋墉狐亦何事奔走爭先後黠鼠

覘其隙依穴或穿牖後來效此者紛紛在左右
競顧一身計又作摸稜手解豸不觸邪指佞不
辨姦嗟嗟赤子輩不識何以安思之空展轉不
覺涕汎瀾

燈花

燈花何大艷今夜正相親烏鵲占無效蜘蛛兆
不真誰家過酒饌底處到行人只好渠為伴依
屏影與身

人日

海上逢人日青山白髮并瓦爐燒糲菜銅銚煮

蔬莖金勝誰將送霜華鬢上零悠悠看世事不
如醉無醒

· 板屋

板屋春光盎蔬畦臘雪消惠風浮柳線暖氣放
梅梢有室如懸磬無家似泛瓢不知何處泊愁
思政無聊

· 復題人日

丙午年人日天衢絕點氛和風吹玉樹灑氣變
祥雲晝霽山川麗宵明星斗分懸知大有兆早
已動乾文

太平調玉燭五首志喜也

大平調玉燭草木動光輝萬井無煩役千村不
掩扉牛羊眠穰飽雞鴨豕場肥四海愁冤絕康
衢化日遲

大平調玉燭邊域霽雲開北狄梯山至東夷航
海來珠琛擎蹶踏箱篚捧徘徊特勒歌將闕爭
傳萬壽杯

大平調玉燭祥瑞自天來甘露流盈瓮瓊漿溢
滿杯山河扶秀氣民物上春臺五百年今是欣
逢壽域開

大平調玉燭和氣鎮堪輿
莫莢生宮陛甘泉出掖池
鳳麟遊苑囿龜馬獻圖書
帝力吾何有民心復太初

玉燭歌初罷歌如得此年
頻遭苦水旱屢值怨沈煎
鴻造既不測蚩氓堪可憐
願言今歲熟禾穀溢倉廩

· 月

故山今夜月二十四回明
時時照書幌夜夜注銅鬢
落影庭前樹沈光戶外楹
如今誰與共來此慰人情

翻覆不可預焉知來此鄉海濱長作客老去
霑裳旅久樽無綠悲多鬢有霜故山今夜月依
舊照松堂

役役

役役不知返行行來此邦路長人去遠雲淨鶴
飛雙窮鬼難能伏詩魔或自降可斟千日酒寫
得七哀腔

書笑二首

板屋如轎小矮窻闔不開階前鼯出沒簷外鳥
飛回蕎麥和皮擣葑根帶葉榴和羹作餠飢喫

了笑哈哈

鼠竊翻陶器烏爭落板簷日長唯有睡風靜可
無簾盤饌唯沈菜床排只海鹽莫思多重味下
筋太廉纖

記見

山脊寒雲亂林間凍雪明谷深無鳥雀溪澗擲
杯甕暖日融泥景和風拂樹聲悲歌還有律寥
落動高情

喜聞鳥聲而感

松岡重復重樹木拱如竹四顧聞無人日午多

索寞細和少陵詩更咏靈寶曲覽物自慷慨苦
此抱幽獨喜聞山鳥聲攬我多感觸宋生悲螻
蛄韓子喜壁蠹况復坐窮山有懷誰與說我本
踈宕人高卧碧峯裏頗為造物猜頻來呼起起
起來志不愜偶然來于此男兒竟無成徒生又
徒死豈謂抱幽獨殿屈雲泥滓悄悄深山中踽
踽無知己爾啼我聞苦彈之良可喜鳥語辛苦
辭雖多亦有理聽已欲色舉前言戲之耳

與善行闔擣菡戲題

鄉擣只四白馬跡五圈耳命屯盧變犢運通花

防已日與爾而爭勝欣敗可喜昔日寓上黨以
困消永日又在城東山雙六與爾喝今來不得
意非此何以活新詩朗吟餘大叫呼的裂爾若
不勝也起去煎雀舌

析薪

昔在東峯善行負二斛力賸近劣夙任
減半傷其衰誇析薪健以題

析薪知汝力汝力不魯衰負米東峯險搬柴北
嶺危殘年何荏苒病骨漸支離爾老我頽謝浮
生良可悲

夜吟四首

青山茅屋裏白髮與愁并對人常不語投淚歎
無成壯志年年減頹齡日日傾問今知幾輩似
我少功名

老去政不厭徒生真可羞宣尼猶後畏屈子法
前脩一世雖無患終身只可憂寡聞今五十已
矣竟誰尤

皎皎千山月寥寥此夜情眼看時復卧雲翳更
回明世事隆還替空蟾缺又盈古今如此耳寄
以歎浮生

蘿月熏窻白松風入夜清悽惶卧不寐展轉夢
難成素負何參策終留管葛名優游東海上誰
識此間情

髮白

白髮莫饒我如絲取次生蕭蕭不底禿短短屢
戴纓竹掃徒留篋牙梳已勿并殘年餘幾幾喜
爾報頰齡

耳重

衰頰勿復歎已作鶡冠翁眼似去年眩耳疑今
歲聾應酬言屢錯得失計還空誤聽紙衾卷翻

為窻外風

目羞

經書今棄擲已是數年餘况復風邪逼因成齒
髮踈竒文重作二蕪字化為魚雪裏看天際飛
蚊滿大虛

牙虫

伊昔少年日瞠眉決羸肩自從牙齒齧已擇脆
甘嚙細芋烹重爛兒鷄煮復煎如斯得滋味生
事可堪憐

小歌三首

白雲青嶂寄雲踪
芟服荷衣不負公
老樹重重煙縹緲
竒峯律律水琤琮
龐生既遂鹿門志
屈子肯事兒婦容
好向深山更深處
耕雲飯犢學為農

獨行高志世同猜
千古知心有酒杯
只以人間多臃腫
却於物上轉蕾嵬
雲收西嶺留殘照
雪映南峯擁翠堆
偃仰深山更幽寂
簷前時見鳥飛回

已與人間事事遠
不須辛苦欲投機
高峯勝處無非寓
流水佳邊便可依
漢世儂終應識我
晉

朝山簡爾同歸醉鄉嘉遯俱忘世此意從來會
者稀

感懷六首

天地無垠有我身兩儀中立貴為人命非貴賤
休繇卜時幸榮衰勿喜嗔達則參於伊呂輩窮
而厠彼許巢倫須看大造無稜角礙矣知渠隔
兩塵

深山月色白如銀照我東窓樂我真那有世人
知此意豈無達者識伊人唐虞揖遜輕輕討殷
夏興亡細細詢只是存亡心字耳不須他覓苦

逡巡

千聖相傳只此心此心無古亦無今敬之不是
他家物皇矣無非下土臨在我幾微須謹獨存
乎芒芴細研尋十分功到魚鳶妙實理從來勿
淺深

王政熄而風雅亡天生聖筆義尊王攘夷猶許
存吳楚傷世無能整紀綱損益可知處十世淳
風豈復見三皇嗟嗟季子觀中國徒聽遺音認
典章

夢見卿雲與景星此身疑奄上空冥威儀禮樂

真三代文物衣冠集四靈萬國會同歌聖化千
官肅穆拜明庭覺來依舊三間屋偃卧吾伊誦
六經

夜深月落斗闌干一片情懷不自安未得壯遊
如李廣只宜高隱似陳搏瓮蚊豈識方輿大泥
黽何知滄海寬譽毀從他何復慮他非我是有
多般

戲為五絕

五十無聞不足畏宣尼此語堪驚人自從失學
從羣懶眼底常埋千丈塵

面黃髮白兩眉皴只合林泉養病身誰管去留
談雜語去年城市苦踈踈

熟知老境不復少強作少時兒態歡呼牟博簞
大叫後催兒賭得饅頭盤

肯酒禁齋不可得淹菜糲飯日日飽飽後偃卧
又入睡睡覺啜茗從吾好

東溟陽鳥飛三竿圍衣支頤而誼謹呼人彈鳥
無煩啼令我安眠驪祁寒

正月十日

日暈已數日今夕雲復匿去歲雪既少今年雨

宜若天意固難知人情不可測
反側朝暮變翻覆雨雲薄
二氣或驕亢七情亦偏僻
是必人勝天亦應通者塞
周詩咏旱甚麟經書日食大聖
必記災萬姓翼修德嗟嗟民
已勞汔可小蘇息

獨坐

獨坐愁無語人稀寂靜時
嶺雲過屋背峯雪映杉
枝歲旱溪常涸冬寒竹亦衰
虛邪過宿臘宜復探春詩

有蓬

有蓬產深谷偏宜出濕田
如何在庭際定欲近

人前萬物固知托吾生良可憐蓬蒿微陋質願
侍御爐煙

秃筆

秃筆不成畫才能黑白分結繩差有策楷隸定
無勲已謝珊瑚架焉模石鼓文勞余勿棄擲為
爾作新墳

近峯

濃淡近峯秀林幽壑不分映窻侵宿霧壓戶蘸
寒雲雪色依稀見松聲彷彿聞捲簾相對以晚
氣自氛氲

遠峯

遠峯列莫數縹緲半浮空
疊疊圍無盡遙遙尖
不窮幸遮西望眼能礙北征鴻
穿汝當歸去依
依一斷蓬

有向北卜居之意故詩語如此

閑意

生涯隨日給支度任年儲
拾栗從鼯鼠看書辟
蠹魚泉聲到池盡松影落庭踈
為有歸歟興青
山一草廬

已許安吾分知心有老天
嶺雲橫樹杪蘿月照
窻前踏蹬為人後浮休任物緣
一生如此耳夫

復更何焉

燈下看蛾

近來風日厚燈下有飄蛾斗覺春光通方知暖
氣多青陽將駘盪白髮欲鬢髯可繫西飛日堂
堂奈老何

丙午春

萬室歌鴻鴈千村咏葛藟民愁方有極天眷豈
無知盡羨泥中蚓渾思水底龜不能為異類負
戴走長歧

東寺濟老

禪老菴中住清虛道境閑生涯猿鶴外趣味水
雲間山鬼持經返天龍進供還近聞移卓錫何
日扣松關

一瓶蕪一鉢踪跡在南峯沙竭聞真諦仙陔奉
妙供水沈香遶室雲馭鶴隨筇未得陪方丈維
摩負老慵

日出

日出東峯生紫煙依依晴景落長川不能浮海
尋蓬島唯學安眠入葛天淑氣泛空春入塢山
光蘸戶冷侵氈偶來海上無知己長坐藜床膝

欲穿

偶然縱筆成二十五韻

昨非勿足諫今是猶能追逸鶴雙翎鍛良騏兩
耳垂松杉雖獨也霜雪轉淒其濩落將奚用支
離竟莫期奈為形所役何故寓於斯小室開任
牖閑庭豁弱籬常懷顏子樂亦作宋生悲謾著
潛夫論空挑俗士詆懲熱屢吹藿期安每值危
臺笠思難復萋華羨不知一陽消未盡羣慝害
將虧勃鬱豐城劍飛騰禹鑿螭鷹揚定何夕蠖
屈已多時幾歲遊江海當年泣路歧不能搏羽

翼猶自嘆衰遲未奮衝天氣空懷向日葵行裝
雖落魄志願更清竒佇望唐虞遠紆傷孔孟卑
得應貂屬狗失則項歌騷翻覆如雲雨昇沈似
奕棋賈生徒歎鵬莊叟謾誇龜身世蹉跎甚功
名蹭蹬遲依巖種豆粟臨水築茅茨短襖和煙
釣長鏡帶雨籽畏途難側足魚鳥更何疑

荅上元文室

自笑生涯異世間扶持衰病卧青山敢期杜老
聞鐘省只恐禪機下手難佳味嘗來情分厚花
牋拆了筆功閑白衣本欲參方丈奈得門風莫

可攀

山中上元

冉冉年光轉新春已上元家貧無蜜餌貯乏吃
蔬根百事終難做千差未易論苦為形所役拖
席向南暄

咄嗟

咄嗟牙齒決不復噬乾腊舌柔故長存齒剛自
頹落形骸亦有警物理可推擴嘗聞化胡言守
雌終不錯殘年事多乖萬事皆濩落終當老耕
俵不乏饘與粥可以送餘生何煩縻爵祿

鞫鼠

鼠吾甚惡之爾在為吾寃能竊瓶中粟多翻架
上盆秦斯看汝歎永某待渠尊二者不可取姑
從廷尉論

上元占月記鄉談憫時也

年年新望月必自良方昇南人多苦餓北地轉
來憑忍聽嗷嗷哭哀看箇箇矜願言蠲濫吹均
濟四方蒸

今年新望月雲晦定難占烏鵲應棲穩姮娥欲
捲簾清愁無處遣旅恨似多添陰翳何時捲團

團上小簷

有人

有人來磬效驚喜兩相饒
寥聞無相謔吟哦作
解嘲東風能換凍春意
欲添嬌為問江陵地
梅花點幾條

地僻

地僻無人事春情惻惻
寒風搖千尺樹雲過萬
重山歲月常沈疾年華
少展顏誰知潘岳鬢愁
至最先斑

任是家無累終年不計貧
飢來常捫腹時到每

催人小竈清煙暗癡童細眨顰商歌懽曳履政
爾樂天真

莞爾

莞爾世人議多稱便佞容汙官分熱冷甲第走
橫縱酒博應無直錢神自有從乞墦饜足道誰
識面如烘

春雪

海嶠春多雪厖眉一老翁布衾涼似鐵瘦脊曲
如弓事業存三畏生涯轉五窮茅齋宿昔夢常
繞鳳城東

排悶十三韻

嶺外東風急巖中雪意渾氣候多不一索寞向
誰論山鷺尋枯木階巖鬻菜根據梧同惠子懸
榻異陳蕃慷慨如玉粲離騷似屈原天寒溪竹
瘁霧重紙窻昏悄悄無人到寥寥絕世喧秋風
思帝子春草憶王孫岳色殊朝暮磳雲自吐吞
放歌懷甯戚清嘯傲劉琨年少功名貴齡頽隱
晦尊擁爐烹粥茗結社入鷄豚此是桑榆景何
須欲乞墦

杉枝雪壓恰似蓬島瓊花

亭亭千丈杉挺然聳巖壑幾歲排風雷卓然枝
幹直一夜雪花粘鬢鬆淨髡昔聞東溟島瓊
樹瑤花植無乃神鬼輸俄然移此谷我是玄圃
客人間今誤落緬想舊宮闕金玉煥交錯和風
吹玉樹枝柯鳴相拍有如韶鈞鳴欣然悅耳目
會當復重遊覩此念夙翫之感移時繁枝擺
巢鶴長鳴過我去自嘆無羽翼安得從之遊伴
汝凌雲翻汝歸煩寄語人間不可托為問揚玉
環兼訊李太白玄霜幾時搗蟠桃幾枝好送
君清淺相期拾瑤草

雪夜

皚皚雪滿庭，皓氣透窻明。
獨卧一間屋，緬懷千古情。
燈花挑更短，愁緒老來贏。
戲謔邀人笑，中心常不平。


中夜

中夜發清嘯，淒然情不勝。
東風雖料峭，寒氣欲凌嶒。
對酒思彭澤，吟詩憶少陵。
一生無限意，千載與誰憑。

晴日喜題

晝自甲寅晦，六龍愁礙晴。
十旬不見日，雙眼無

面



面
打
所
宜
計
算
一
四
二
三
二

金陵

六代興亡國
三盃為爾歌

苑方秦地少
山似洛陽多

分添

樂太

古殿吳花草
深宮晉綺羅

併隨人事滅
東逝與滄波

贈錢徵君
少陽

白玉一盃酒
綠楊三月時

春風餘幾日
兩鬢鬢各成絲

律

秉燭惟須飲
投竿也未遲

如逢渭川獵
猶可帝王師

叙

映短

由明窻暗長疑漆簷
每訝傾看書迷細字
拈筆昧尖莖半頂頭
渾白堆胸愁未平
無因撫長劒擊此曠陰精

今朝正上甲夜雪曉來晴
霽色千峯迥朝暉一室明
玉條垂錯落瓊樹爛晶熒
林間幽鳥語冰下暗泉鳴
漏影穿書榻餘寒逼帽纓
課誰多失笑淋墨亂縱橫

正月十七日翫月

玉兔初升海銀丸
迥掛空嫦娥應獨宿
千古與誰同
旅館孤窻畔
幽閨曲閣中
偏憐無伴侶
伺

隙照玲瓏

、雪月

昨夜千山雪今宵萬里蟾清光
驀地遍寒氣十分添棲鶴夢
難穩啼猿衣欲沾更看風撒影的
爍太廉纖

、夜吟

寂寂山堂夜清吟自不勝
細風吹帳紙寒月映
簷冰有酒愁仍破無詩語
未能百年常願醉短
律爾為朋

叙悶六首

心與事相反除詩無以娛醉鄉如瞬息睡味只
須更切齒爭錐賈寒心牧馬胡無因獻明薦枝
淚永嗚呼

少小趨金殿 英陵賜錦袍知申呼上膝中使
勸揮毫競道真英物爭瞻出鳳毛焉知家事替
零落老蓬蒿

八朔解他語三暮能綴文雨花吟得句聲淚手
摩分上相臨庭宇諸宗貺典墳期余就仕日經
術佐 明君

失母十三歲提携鞠外婆未幾歸窀窆生業轉

懔懔簪笏纓情少
雲林著意多
唯思忘世事
恣意卧山阿

壯入遠公社
非求幻化談
榮華曾不齒
失得已無堪
知己唯明月
寒盟有碧潭
多慚譽我者
遺贈長吾貪

可恨顛宗祀
關心負素期
河清俟望久
鶴詔下來遲
身世乖違甚
年光荏苒移
天公如憫我
必有否傾時

十八日夜翫月

蘿月映窻戶
離縱帶樹痕
光分千里域
影入幾

家園曲照情非黨虛明性自渾應知我方寸語
默坐忘言

失笑

細窮今古事失笑屢呵呵誤國言言協謀身事
事和直躬身齷齪佞色狀巍峩衛有乘軒鶴兵
來不執戈

自語

自問還自答人謂汝風狂伍屈緣何阨廉來底
事彰宵人誰富貴志士孰悽傷物理固多變如
齊喚問莊

歎息

歎息人間世，續穢事可噓。民心趨巧詐，物性日
浮虛。朝事昏常改，前親後必踈。薰蕕臭味異，何
欲苦同儲。

望長庚

乘昏步前庭，偶望長庚星。明愈夜光點，大於銀
椀形。紅霞都掃盡，碧落如磨熒。獨見爾芒動，衆
喧從此停。

暗室

小窻如漆黑，虛室自生白。幽人獨天遊，萬境無

心迹誰將混沌形，偶爾疏七鑿我性。本靈明萬
有紛舛錯，莫將有涯生苦為形所役。

撮炭行

撮炭性踈脆，得火少炎熾。才起旋復滅，烹膳淡
無味。恰如庸懦人，素無丈夫志。諾諾無一實，營
營無一得。居家處事闇，在位常碌碌。不獨自虛
困，多為衆欺謔。敢望柞櫟炭，炎炎火星爆。恰如
回也質，聞一以知十。又如孫吳兵，破虜如破竹。
撮汝須殿後，櫟爾盟寒約。

莫休鉗歌

莫莫莫千仞鳳恐下九州塵漠漠見世遙曾翮
孔聖猶遭陳蔡厄休休休九淵龍逢遇九五起
泓湫見可重縮頭孔明無成死邊郵促織俟秋
而吟莎蜉蝣出陰而屈閱何必苦求名利多家
有青氈在嘉君節操傳千載內自誇呵呵呵日
日彈琴歌白雪決有知音者不速而來聞堂下
也無必咄咄咄

歎暮

光陰鼎鼎似投梭縱欲無憂奈此何九仞為山
虧一簣纖毫錯聽便千差武侯祠畔但喬木伍

子廟前空素波事業關天天亦誤人生稱少戾
偏多

送善行入深峯

送汝深峯去深峯積雪多定無人履迹唯有獸
相過萬木寒如戟千峯白似齧山中幾箇屋閑
戶架嶽峩

暮靄

峯頭暮靄展積雪映林明鳥雀尋巢噪松杉倚
壑榮也無塵土氣多有水雲情足以送餘境何
須勞此生

蠅蠓

天氣今朝暖陽崖飛蠅蠓一身不自保兩翅未
展空似逢鄒子律暫入化人宮日暮霜風迫應
悲歸路窮

喜人送燈油

北鄰分與火闇室正熒煌黑月饒光影幽堂照
寢床已拋車子志更輟董生忙雲竇松窻畔囊
帷空在傍

耳鳴

晰晰耳虛響有如風水聲夜蚤時對語暮雀競

趨鳴韶濩分應混宮商聽不精
爐邊沸熟盃喚問孰吹笙

安分

萬事隨吾分何為不及過時中
聞聖學知足得聃家滿溢空
歌側三平四賸多一身調攝外
務得轉蹉跎

枯木

長枝蟠屈小枝斜直幹亭亭聳碧霞
幾歲倚巖排雨雪何年趨走化龍蛇
瘤皮臃腫莊生木竒狀寵從漢使槎
春至無心天亦惜教藤為葉蘚

為花

望凌躋岵

悠悠東北望有谷窈而深古道稱凌躋遙天接
遠岑蒼茫饒老樹迢遞帶層陰何處東溟際安
期可得尋

快意行四首

登高俯嵌研巘人上慄栢生兩石間枝幹排
霜雪幽人本倜儻志尚太奇絕以此作寒盟相
期在峻截

絕澗凍不泄慘冽冰凌競造化鑿以銀危崖難

可陵有竹生其傍蒼翠搖高層志士慷慨心見
危詐可懲

我有并州刀剪取滄溟水手探驪龍窟爭珠風
浪裏巨浸凌大空電霓騰閃起捋鬚捫其頷健
奪然後喜

我有一長劒紫氣凌斗牛一擬蒼崖裂再擊後
猊吼直走無當前旅拒無遑後盡芟不平者然
後退靖守

登山

春氣今朝暖登山意未休緩携筇竹節徐步小

峯頭陰壑留殘雪
陽崖有細流
風光從此好
理屨更遨遊

殘陽

西嶺殘陽在前峯
細靄明餘光
多映樹薄影
最關情
客遠天涯迥
山深鳥道橫
窮愁聊獨坐
空有咏詩聲

青絡

樹梢青絡掛隱者
拾編衣
青似新麻
剝輕於亂褚
飛堪為由也
縕稱服浴乎
沂織女如曾見
秋來定上機

蒼杉

壯哉高峯上蒼松萬丈長聲含千古韻色盡三
春光直幹排風雨繁枝傲雪霜根蟠九地際應
伴蟄龍藏

朝靄

老樹叢青靄孤峯抹白雲霜蹄隴露竹風靜暖
朝曛賓戲成酬語人嘲作解文因他多剩語不
是釋續紛

下弦

今夜山頭月新年已下弦此宵雖缺半來望又

重圓許子修編戶吳生斫一邊姮娥渠可憫破
閣又孤眠

入夜

入夜情愁切平生雅志違石渠無寸效玉帳少
當機烏翻輕飛去蟾蹄疾走歸騰騰成底事顏
卧掩蓬扉

忽忽行三首哀世不遇也

忽忽心不樂或坐或偃卧竟日費吟哦以詩為
日課得景佇遐想西峯日易過不有學坐忘愁
腸誰鑿破

今日倏已過明日又如許人生天地間劇如寄
逆旅奈何感百憂悄悄日煎煮宜緬思古人并
刀須剪去

我欲遊滄海滄海多鯨波我欲登高岡高岡多
陂陀焉得漢侯槎悠揚遡黃河溘埃風上征忘
我情蹉跎

大觀三首

瞻彼山上巖巒岼又蟲礨有栢生其間幾年排
風雷枝幹相糾繆凌寒形竒魁一朝火烈岡玉
石俱焚灰獨爾煨燼餘挺然枯不摧君子激昂

心至死猶我鬼

有竹生危崖蕭森枝葉密
隆寒朔風吹索索飄
寒雪剛勁節愈堅洒落色愈潔
哀哉在空山誰識爾清絕

粼粼澗中巖清波日夜激
以彼無累質更欠琢
磨迹完而無稜縫確乎不可拔
豈同硜硜者似存么麼節

我生

我生既為人胡不盡人道
少歲事名利壯年行
顛倒靜思縱大惡不能悟
於早後悔難可追寤

癖甚如擣况未盡忠孝此外何求討生為一罪
人死作窮鬼了更復騰虛名及顧增憂惱百歲
標余壙當書夢死老庶幾得我心千載知懷抱

東風行

東風料峭吹羊角春日遲遲煖如燄長安宕客
讀詩史一度吾伊一太息古人一飯不忘君如
何徒卧空山雲欲膏吾車戒行李關山迢遞豺
豕奔側身西望心如焚

山中人

山中老木參天長山中人兮吟倚床弱水蓬萊

路迢遞層城金闕雲蒼茫人間嶮巖難為居天
上無媒徒瞻望桂樹偃蹇獸騰倚君胡為兮蒼
崖傍盍歸來乎遭明良

遊北峯

闕極甚無惊杖藜登北峯青山朝暮色人世古
今容深壑餘晴雪懸崖落遠涼年年雲物換依
舊養踈慵

即景

青山老木嗒無言溪水涓涓靜不喧少見人間
煩鬧事脩然高卧意騰騫

山中憶友

山中樹陰翳牢落，少人蹤極目憐高鳥。
傷懷愁遠峯，餘生成潦倒。浮世歎龍鍾，何日長安去。
情懷話伯恭。

戲作俳諧體

峯前春雨細如絲，人卧山中獨咏詩。
階下蘧芽如雉耳，林間雪片似熊脂。
在其板屋西戎子，依彼巖崖南蠻兒。
君子居之何陋，有遊於斯又宿於斯。

夜雨

半夜山齋雨點滴階前地空階滴不入滴入幽
人耳幽人卧不寐感此多攪睡展轉達申朝誰
識箇中意

新月

新月曲如爪輕霞散如綺窺映底家閨吊影誰
氏子兩地共清光一身隔千里人月幾時圓小
窻愁獨倚

謝人送胡椒茶具

是音空谷喜况復贈余心此物生胡域如沽直
幾金斜封情不淺遠送意何深紗帽籠頭煮山

堂試自斟

餐淡蔬為鮓家貧茗是醯雖甘閑味好頗苦欠
情多映案堆紅粒粘匙點白齏為官有薄俸其
奈役心何

石生斛三百我得裏一兩若以較輕重不啻評
霄壤世情苦勝負塵心爭頡頏余謂林泉幸亦
得青紫倘

聞啼鳥聲有感

斗覺年光不暫停林間啼鳥作春聲異鄉節物
撩人思遠域雲山惱客情短髮鬢梳復亂昏

眸眩亂拭羞明從今沒道東風好恨與平蕪取
次生

聞歸鶴

海上春雲陰復晴天邊歸鶴兩三聲千呼萬喚
碧空迥一箇二箇山月明五嶺雪寒迷去路三
山風暖認歸程他鄉我亦思歸者枕上遙聞空
復情

咏物

青花蓓蕾子風暖自芳菲微物亦有思王孫游
不歸

白馬蹄苞帶泥融自長芽東風無厚薄空谷亦
敷華

有客

有客如蠻鬼侏離語帶胡自言二十載身遍北
南區薏苡珠回拳牛毛帽戴顛如何違本業役
役走長途

和少陵詩三首

一室

一室僅容膝翛然如磬懸生涯淡若水踪跡泛
於船偶爾留三月居然已隔年峯巒雖信義爭

似華山前

老病

老病侵尋裏三年減貌中相逢無故舊相對有
花叢不禁懸空月生憎梢樹風今年何處泊天
地一飄蓬

愁

春愁日日緣底生江草江花無限情三年為客
關塞險幾度厭見雲水明野店白烟生海國譙
樓畫角動山城此是愁人腸斷處不堪西望涕
縱橫

二月十三日看月

黯淡山光碧淒涼
月影寒長空一片色
萬里隔年看客子
空垂淚情人獨倚欄
刀頭何日折破鏡
上天難

立春

重出存第二卷節序篇
第三十八文

節序自移換窮山今立春
老年嫌甲子遙夜守
庚申雪色熏窻白
風光拚柳新誰知幽寂境
亦有不羈人

念舊遊

萍飄蓬轉走天涯
萬水千山一路賒
想得舊遊

真箇夢半窓明月照梅花

懶意

賣懶新年懶不除日高頽卧枕經書傍人喚道
先生懶庭樹鳴春鳥不如

送人

趙吠真榮兆飛鯨是禍胎羊頭如欲爛柴盡爾
園梅

題碁局贈主人之舍

百年一碁局萬期為瞬息何如一取醉舉頭雙
耳熱山童欲早去歸去應岑寂

梅月堂詩集卷之十四

梅月堂詩集卷之十四

梅月堂詩集卷之十五

雜賦

拒來學

研窮經史久，句語儘差訛。
眼暗循行誤，心昏錯會多。
屠龍空費力，琢句便成魔。
正好為樗散，江湖荷短蓑。

戲為

旋斫生柴帶葉燒，烟薰圭竇暗終朝。
商歌曳履聊安分，點瑟高談為遣寥。
塵世紛紛終老大，浮生擾擾竟煎焦。
自從一飽林間味，始覺子方貧。

賤驕

秋風清六首

秋風清可愛蕭蕭撼松竹幽人卧不寐靜聽黃
葉落既感宋玉悲又起張翰思聲聲攬人意偏
傍碧梧枝

秋月明

秋月明且瑩如珪復如鏡皎皎照東窻不用移
短檠桂落分天香雲空露蟾窟况復露團團絡
緯聲唧唧

落葉聚還散

空庭寂無人，落葉敲窻戶。隨風聚復散，紛紛不知數。泛泛逐寒溪，飄飄點苔塢。幽人夢初醒，怕聽梧桐雨。

寒鴉栖復驚

楓葉冷吳江，蕭蕭半山雨。寒鴉栖不定，低回弄社塢。渺渺黃雲城，依依紅葉村。相思憶遠人，聽爾添銷魂。

相思相見知何日

巫峽孤雲斷，衡湘回鴈遲。相思共明月，相見知幾時。進縈剪燈花，悶來彈喜鵲。會言人近止，竹

風疑曳屨

此時此夜難為情

嫋嫋秋風動迢迢秋夜長
情人猶不來缺月移西廊
飲酒非解憂吟詩添我愁
不如望關山把笛登南樓

老境

老境侵尋近還嗟識事稀
眼昏難辨物耳聵不知譏
炕煖惟耽睡蔬甘可療飢
人間多少事方覺頗相違

偶題

南窓無語一支頤時有僧來乞小詩擲筆懶吟
今數月吾生自笑已衰遲

雙六

六六呼來午夢醒戰酣爭坐亞夫營春來以此
消長日優劣終須不足評

戲為

家僮斗酒十分藏與客傾壺罄一嘗醉卧杏陰
猶不醒數聲啼鳥咽殘陽

和淵明和柴桑詩

策杖步庭除頤影空踟躕嘉樹涼翳翳偏愜幽

人居蘼蕪羅堂前薜荔施蓬廬登高試寓目依
依見村墟拾樵過幽徑采芑尋新畬入門頗自
適出門無勞勗俯仰五百年料想如我無物與
我相歡世與我相踈鼓琴誦詩書過此將何須
浮游天地中不知吾所如

和淵明酬柴桑

自我寄人世四十寒暑周眼底換星霜倏忽春
與秋觀化倚南窻感時遊西疇借問役役者眾
有此樂不速理襪與滕吾將丘壑遊

和淵明和郭主簿二首

山居無長物樹木多清陰有興輒題詩時復攄
胸襟閑敲一局棋更撫一張琴靜思有雅趣眼
底成古今泛覽古人書置卷良獨吟衰病懶重
披有酒聊孤斟生事邇來拙曳履作商音丈夫
生此世意在華纓簪既捨復何為終老千峯深

又

年歲競媚妍數遊好時節山花紅且明石潭澄
且徹俯仰復遐矚物象多妙絕桃李下成蹊竹
木儼成列不學萬人敵况羨千人傑抱拙林泉
間願得願生訣畢竟誰肯余山中有蘿月

勸退休

藥名

丈夫有遠志，歲晏行當歸。
松老茯苓長，秋深山芋肥。
宦情薑桂癖，世路汞鉛違。
措大苦曾歷，早休忘是非。

無題二首

佞臣近忠直，先意更承迎。
朝進施蠟口，暮懷欺罔情。
明君鑑機先，不墮姦佞計。
闇主窮侈欲，相與俱顛蹶。
所以庶來徒，淪喪殷商裔。
周宗何赫赫，豳岐源愈長。
文武至成康，治道熾而昌。
庶幾邾鄆鼎，千萬斯無彊。
如何轍既東，王

綱不復張嗚呼孔夫子黍離傷雅亡

山中雜吟六首

水雲鄉與塵寰隔縱有人來不世人滿榻白雲
閑不掃小庭生草自青春

栢肯山前山水色吟哦千古却無人我來一賞
生新意雲月欣然不我嗔

一自居山世慮疎此生無事送居諸日斜溪路
人歸去數片白雲封草廬

風清月白憑誰賞水態雲容只自知溪上晚來
山雨過黃鶯聲在碧梧枝

客稀山寂絕喧囂地僻蒼苔沒石橋讀罷南華
還掩卷無端山雨打芭蕉
小樓風滿夏疑秋樹影松陰四面稠終日卧遊
唯我耳世人多事不來遊

與詩人打話四首

開門握手問來從忙把重茵掃翠松雲散月生
天宇靜清談仍到五更鍾

旋折松枝掃白雲開茵一笑喜邀君清談袞袞
情無極不覺溪西日又曛

白雲清峭境偏奇堪與搖松話所思山月溪風

深有趣莫教輕許外人知
草堂寥寂雨聲寒半壁松燈焰欲低喜甚不容
措一語夜闌窻白曉鷄啼

雜吟九首

成詩也任詞源狹落紙寧嫌鈍筆鋒枕上不干
榮辱夢侵牙還有水雲蹤探花蜂繞園中草飲
綠猿依澗畔松終窶且貧年已久從教碩鼠狹
穿墉

車馬無人污石缸數竿脩竹色磨窻雲埋洞戶
僧歸獨日暝松丫鶴立雙金鼎丹隨烟後飲

樓鐘向日中
撞將何解破
愁城郭猛列
松醪
滿缸

非仙豈脫謀
生計日把傾
筐採蔽獲習
坐猿
巖樹立呼名
烏傍野雲飛
秋深木落山
無色人
去臺空月有
輝一徑荒涼
苔自老不知
誰共知
紫靡

東皇不舍山
家地均使青
黃各得春際
會只難
參聖代隱淪
非是避強秦
誰能不輟千
般事某
獨深藏一段
身堪把菜蔬
撐口腹何須
芻蕘
前陳

流水桃花別有天相逢見者盡神仙兒乎且莫
高聲語我恐松巢鶴破眠

靖節歸來林下屋逢人只道長桑麻却言富貴
非吾願日向東籬採菊花

山水中間小草庵竹門松徑鎖烟嵐客來直下
忙揮手恐濯塵纓污碧潭

狹路長松蒼翠蓋散庭寒雪水精鹽曾知萬事
渾無賴身世都將一黑甜

已把形骸逃物外行藏不用問巫咸莫言貧窶
傳無物書一二箱經數函

退慳鬼

馬少游曰凡多財貴能賑施否則守錢
虜耳余歎世上富足之人自奉猶惜况
能賑人至於貫朽粟腐引他後世子孫
驕奢豪俠以至累族而後已故賦退慳
鬼以警之

此生須愛惜百世一浮塵得食須加飧縫衣必
著身儲錢妖作崇恪粟鼠為困昔日繁華地年
年草自春

閑中足晉陸機詩四首

大道夷且簡無言四時行乾乾不暫息德備元
亨貞天樞斡其柄一氣流盈盈百物化其中各
賦純粹精君子法天運首出超羣氓
人道險而難靜思增永歎心為形所役性命不
克完厥初均是人氣稟乃多般惟彼皇上帝愍
此癡且頑繼天生聖人使爾咸寧安

休咎相乘躡旋復多風波昔日足輕肥今日遭
虎蛇至人知天命履道心不頗愚人苦迍遭一
生多媿嬰天未喪斯文桓魋如余何
翻覆如波瀾處世多苦艱天命卒難謀人事謾

多端得之且勿欣失之且勿歎運來龍騰雲命
窮鮎上竿休論世間危且聽瑤琴彈

記農夫語

去歲早早晚霖劇泥沒江澣深一尺沙石填塞
年污萊豐者游龍與陵舄婦兒啼飢號路傍路
傍觀者為歎息私債官租日夜督况我難逃白
丁役一身丁役亂於麻東侵西擾多煩酷歲收
芋粟不足支春田采芑盈阡陌今歲于耜苗始
秀陰靈且曠經一月麥穗生蘖稻根腐天步艱
難民飢斃八月晚杭花正繁東北風吹糝不實

橡蠹菜蝗瓜蔓枯飢饉連年無可活我有腴田
數十畝去年已為豪強奪亦有壯雇服耕耘昔
年作保充軍額赤子在左叫紛紛交徧謫我如
不聞天門九重邃且深欲往懇之
附翼叫帝閭癩憂以痒心如焚

安得豳風七月圖

子馳獻君

詠峴山花叢二十首

其一

金釵玉面照羅幃粉汗凝香細褪衣故作妬嬌
顰蹙態傍人錯道笑楊妃

其二

淡粧濃冶苦難禁
挑得焦桐幾調心
莫謂焦桐得挑得
如桃嫣爾笑千金

其三

曾聞越女美容姿
蓮舸耶溪耀一時
莫道西施天下色
須知亦有勝西施

其四

桂香舟舟賁生華
羽曲霓裳特地姱
逼得廣寒清爽氣
知渠名是月中娥

其五

清香馥馥著荆枝
君子猗蘭咏楚詞
不料閨房嬌妬質
幽閑亦有勝蘭兒

其六

墻花路柳驛亭梅
折朶攀條幾度回
嘉爾對人能有語
靚粧新髻為君來

其七

風飄萬點政愁人
莫厭傷多酒入唇
我罵少陵無好語
不曾相對曲江春

其八

針拈鏡鈕整雙眉
半是嬌猜半是癡
偶爾一顰

多欲效况看凭枕笑西施

其九

不施脂粉媚人情堪聽嬌多笑罵聲最愛睡覺
扶侍女方知美態自天生

其十

羅衫風擺露香肌堪愛窻前刺繡時繡倦針停
伸欠後襄陽訝者峴山兒

其十一

清魂妙骨厭新粧天與精神慧且莊人道春風
桃李艷難看冒雪玉梅香

其十二

朝雲暮雨揔相思，幾度襄王夢裏疑。且喜大慳
今不慳，人間偶見峴山兒。

其十三

對人無語整金筓，嬌似愁皺妬似啼。報道娘無
惜一笑，韶華不久浣塵泥。

其十四

江陵朝發到襄陽，千古風流取次情。偶入花叢
看一朵，嫣然欲笑百媚生。

其十五

巫山蜀魄盡情啼
夜倚闌干唱大堤
映軒唯有梨花月
惱我遊人特地迷

其十六

人間底物當人心
滿籬黃金競愛深
爭似窺墻天艷朶
不言相對勝千金

其十七

曾入仙曹課美人
仙姝箇箇透凡塵
世間莫道仙姝好
今見浮黎勝玉真

其十八

黃鶴高樓已渺然
不堪吟興白雲旋
晴川芳草

思何遠却喜今逢駕鶴仙

其十九

春風紅紫可堪誇競鬪爭妍倚檻斜
報渠解語阿堵物媚人風彩勝於花

其二十

風流落落政難禁醉入花叢深復深
忽爾據床相對笑丈夫本自輕千金

詠妓

其一

鞦韆下春雲洗曉粧玉肌輕蘸水
蘭湯粧成未抹

燕脂點兒報調絃集教場

其二

綠羅新剪製春衫
理線拈針玉手纖
自叙一生人命薄
隔紗窻語細喃喃

其三

誰家園裏曉鶯啼
撩亂春心意轉迷
自愧妾身輕似葉
食須東里宿須西

其四

死麕茅束者何斯
一見飄風姓不知
狂且孩童如鬼域
去時批額奪筭兒

美艷

濃抹燕脂點絳唇
輕搖雙片細生皴
嚙臂信誓雖珍重
柳色章臺折幾人

右絳唇

暗香猶帶壽陽粧
落盡桃花實可傷
春去春來誰是主
一霎腮斷萬人腸

右桃腮

柳葉描成八字眉
有人低睡困春時
工嚙莫作依他樣
轉益生憎醜者姿

右柳眉

數條鬢髮綠如雲盤上牙梳八字分慎勿逢人多戲謔教渠雙鬢亂紛紛

右雲髻

隆起金龍七寶釵舞衫輕揆髻髮花鈿璀璨春雲薄乍醉凭軒特地誇

右金釵

凝脂肌面點葡萄半脫羅衫癢處搔莫遣別人頻著眼無鋒便是割腸刀

右酥乳

香奩體

咏花

其一

濃淡凝雲八字眉誰教臉上抹燕脂點來燕窩
郎心蕩挑却金鈿象篋兒

其二

袖掩嬌羞爬曉粧芙蓉風撼倦猶香從今莫
濃脂粉塗抹多嫌玉頰傷

其三

手把初開紅藥枝薔薇架下弄鶯兒鶯兒饒舌
踰牆去牆外郎窺你不知

其四

